

آبونه شرائطی

مهر بر ایچون سنه لکی (۲۵۰)

آینی آیانی (۱۳۰۰) غروشدن

نسخه سی ۵ غروش، سنه لکی

۵۲ نسخه در

اداره خانه

مردود، حریت او تلی قارشو سنه

اخطارات

آبونه بدلی

مسلیکه موافق آمار مع المنوایه قبول

اولون درج ایدله یازار

اعاد اولونما

والله یهدی من یشاء الی صراط مستقیم

ناش محرر
محمد عاکف

صاحب و مدیر مسئول
اشرف ادیب

اخطارات

آدرس تبدیلمده آریجه اش
غروش کوندولمیدر

مکدولرک، ضالری واضح واد و مانی
اولسی و آبونه صره نومروسی
محتوی اولسی لازمدر

ممالک اجنیه ایچون آبونه اولانلرک
آدرس لریک فرانسویده یانلیسی
رجا اولنور

باره کوندولدیکی زمان نه دان
اولدینی واضحاً بیلدرلیسی
رجا اولنور

ایبعون اهدکم سبیل الرشاد

کتابخانه

۱۳۳۰

جوق ایالتلریمزدن، ولایتلریمزدن محروم قالدق؛ اولیاو انبیامرقدلرینی قوجاقلایان اسلام مدنیت و معرفتته تحلیکام اولان مملکتلریمزدن دوشمانلریمزدن آله کچدی. یونان پچلری اجدادیمزک توربهلری اوستنده هورا تیور؛ یامادق شناعیر بیراقایور؛ آطه و عینتاب جهیلرلنده فرانسیزلر وارمنیلر دورلو دورلو فحاشی ارتکاب ایدیور؛ دوشمانلر بوتون عثماني تولاکسینی، بوتون اسلام دیارینی «صوفرا باشنه» کال اشها ایله اوتورمش ییجیلر کبی بوتوق، مسلمانلری تماماً اسیر ایتک ایستیهور؛ خلاصه (۱۰۰۰) شو قادار ییلدن بری پارلایان تور اسلامیت انصافسزجه سوندورهلهیه قالدیش-لیورده بز حالا نفاق و شقاقدن، فتنه و فساددن لایقینه آیریلایور، فلاکت مدهشه قارشیشنده طامنا غافلانه سیرجی قالیورز.

کوکل آرزو ایدر، که مملکتیمزک هر طرفی قاپلایان دوشمانلرک بر آن اول طرف و دومی ایچین - حتی بر فردی بیله خارج قلماق اوزره - بوتون مات یکی باشند و یکی بر اتفاق مقدسه یکی وجانی بر حرکت ملیه کویته رسین. هر کس غایه مقدسه سنک تمامیه حصوله قدار آله اوفاق اختلافلردن بیله ترقی ایتسین، حتی تالی و فرعی قناعتلرندن الله رضای ایچین فدا کارلیق یاپسین. بوضورتله کوره - جکر، که یافینده عون حقله مملکتیمز قورتولش، ملتیمز سنه لردن بری بکله دیکی مشوقه استقلالنه قوووشمش ارله جقدر.

حدیث شریفده اچینی ملت و دولتلرک مسلمانلره قارشى آلاچینی وضع عدوانک ایکنجی سبی اولاراق بر شی ذکر یدیلوردی :
— حیاته صاریلق، تولومدن نفرت ایتک، یعنی تولومدن قورقاق !

بونک حقهده کی ایضا حاتمزی ارشاء الله کله جک نسجه مزده عرض ایده جکمز.

نصوحی دده.

پک متحسری بولندیغمز سبیل الرشاد جریده مبارکه سنه

محترم دینداشلر،

بالیکسری محیطنده وایع صورتده منتشر اولان و بوتون لوازم خلقنک پک زیاده توجه و محبتلری بولونان سوکیلی سبیل الرشادیمزک آنا طوبایده انتشاره باشلادیغنی خبر آلدق. فقط مع التأسف هیچ بز نسخه سنی کورمک نصیب اولمادی. قسطه ونیده چیقان ایلك نسخه سنی اوقویان بر همشهریمز زره مندرجاستندن بحث ایتدی. بونسخه مسلمانلرک آله یوک شاعری محترم استادیمزک پک بلیغ، پک مؤثر بر موعظه لرینی احتوا ایدیورمش. مسلمان قارداشلریمز آره مننده الدن آله کزدیکنی

صباحا بیلمش، دین قارداشانی ده اکیش بر صورتده برله شمش، اسلام نفوسی پک آز بر مدت ایچنده یوز میاون راده سنه وارمشدر. بویوز میلون انسانک روحی بر، وجدانی بر، ایمانی بر، املی هب بر ایدی، آله بویوک شهرلردن طوتوکزده آله هجری جولاره، خیمه لره وارینجهیه قدار حکم سوردهن سیاست (آن برلیک و قارداشلق) سیاستی ایدی. کوکلو، فوتلی سیاستی یاشاتان، جانلاندیران دیگر دستورلرده عدالت، حق نیت، منافع عمومیه خدمت، حریت و مساوات... کبی قدسی شیلردی. اسلامک بو آهنکی، بوجاذبه سی قارشیشنده نفوس اسلامیه یوز بیکلرجه انسانلر جان آتاراق قایشیور، مسلمانلر قوتله یور، دنیالری تیتره تیورلردی. طوبلو اسلام قلبلرینک هب بر امل ایله جاریماسی، کفر و ضلالت و نفاق ایچنده جالقامان اچینی دولتلری دوشوندیرمکده، فقط بونلر یکی پارلایان اسلام نوزی، اسلام اتفاقی قارشیشنده سونمکده، محو اولمده ایدی. آرالرنده مدهش بر آیریلیق و اخلاقه مزلیق وار ایدی. «تخسبهم جمیعاً و قلوبهم شی» = اوناری - یایمرد - طوبلوطن ایدیورسین، اما قلبلری، امللری هب آیری آیریدر. آیت ریمه سی صانکه بونلرک حالی کویته یوردی.

(عباسیلر) دورنده مع التأسف اسلام خلاقی بوزولمایه باشلادی. جناب حق اولنرک مملکتلرینی متفق موغول اردولرینه جیکنه تیدردی. مدنیتیه، علوم و قانونی ایله وارلیغی بوتون قهریه طیتمش، حق مسلمانیلی اورویا، نقل ایتیش اولان قوجا (اندلس) دولت اسلامیه سنی ده باتیران، عثمانیلرلردن فضله بر حیات تاریحیه یاشادینی حالده اونوی محو ایدن، اوت قلیجیدن یاقانی قورتارا بیلمش اندلس عربلرینه جبراً خریستیانانی قبول ایتدیرن ملعون طاملرده ینه هب اخلاقیزلیق، قورقاقلیق، آیریلیق غیریلیق ایدی.

عثمانیلره کلینجه: بر آووج عشیرت حالنده مبدانه کان عثمانیللری تا ویانهیه قدار کوتوردهن، اونلره اوروپا دولتلرلردن خراج آلدیران، بویوک قراللیق و امپراتورلق شکنده کی بویوک تولکولوی بر روالی ایله اداره ایتدیرن مقدس عامل، اتفاق، اخوت، عدالت، جلادت... کبی مزیتلر ایدی. فقط ایکی، اوچ عصردن بری بزى انحطاطه و نهایت - نفوذ بیه - انقراض تهلیکله رینه سوروکله ین شی ده تفرقه، نفاق، ظلم، «حب حیات» اولدی. قطییت ریاضیه ایله ثابت اولمش حقیقه لردن درکه !

«کندی اخلاقیه بر ملت اولور، یا خود یاشار»

اخلاق هرملتک بنیه اجتماعیه سنه کوره بهض تحولات عرض ایده بیلرسه ده، (وحدت و تسامد) هر مات و مملکتنده عامل خلاص اولاراق قبول ایدیلش بر (آنا خطی) در.

نه غریبدر، که بز مسلمانلر اتفاق قیمت و اهمیتنی شوقلاکت زمانلرنده بیله حالا آکلایماق ! صولا دورت بوجوق سنه ایچنده بر

او گرنديكمز بو مهم اسخني - آ - كورمك ، او قومق ، زمزمه كوزيمزه سورمك نصيب اولسه ... كچن كون آرقداشلردن بريئت اولنده ، آرقه طرفده كي بر او طهده همشهرين محترز وقصيق افاد لرله آ كلا تيور كن كنديمزي ضبط ايدمك ، هر زمان ايجمزه آقنديغمز ياشاري اورادده بول بول دوكدك .

آه ، دشمن پنجه سنه دوشمك نه اليم ، نه فليج بر فلاكت ايمش ! الله بوفلا كتن مصون قالان مملكتلريمزي محفاظه بويورسون . حريتاري بابانجي ملتا طرفندن غصب ايديان انسانلر ايجون اك بيوك سادات اولومدر . تحمل ايدم بيليم ، ديمك ايجون هيچ انسانلقدن نصيبي اولماق لازمدر . ظالم دشمن هر دقيقه بيك عذاب ايله وجدانلريمزي صيرلا تيرده ينه قارشوسنده متشكرومنون چهره لر ايسر . تاثره بيله حتمكز بو قدر . سزك مال كيزي غصب ايدم جك ، ناموسكزه تعرض ايدم جك ، شرف وحيثتكمزي آياقلر آلتنده چيكنه جك ... ينه تاثر كرستميه جكمكز . باغير مق ، فرياد ايتك دكل ، سبز سسز كوز ياشاري بيله دو كيه جكمكز . كوزلريكمز قزارمش اولديني حالده قارشوسنه چي قاماز سكمز . كوله يه ، حالكمزدن متشكرو مفتخر اولديغكمزي كوسترميه مجبور سكمز . بر آز فلاكتلريكمزه آغلامق ايسته سه كز دد حال قفا تيزه مد هس ضربا لر ايتن .

همشهرين استاذك موعظه سندن بحث ايدنجه كچن سنه كي حالزي تحظر ايتدك . ينه بويله بر قيش كوني ايدى ، برقاج سطرلق كوچك بر دعوتنامه ايله مسلمانلار جامع چاغير يايوردى . مسلمانلارك معظم شاعري ، محترم استاري عاكف بك افندي جمعدن سكره اخوان دين ايله بر حسب جائده بولونه جقدى . اوكون بوتون مملكت خلق زاغوس پاشا جامع قوشمى . جامع استيعاب ايتمه مشده طيشا ريلره حصيرلر سريلمى . حضرت ، كرسى يه چيقه برق اك موثر شمرلردن بري او قومش ، اولدن صوكره ملتسارك اسباب تعالى واضع حالاني ايضاح ايتمى . مسلمانلارك ناصيل ظهور ايتديكني ، آ ز زمانده ناصيل دنيا لري طونديغي وصوكره مسلمانلارك ديتلردن اوزا قلاشدي نه فلاكتاره اوغرا ديفني آكلاتمش ؛ دشمن تجاوزينه قارشو آنا طولى مدافعه خصوصنده « قره سي » نك ديكر ولايتلره او ك آياق اوله رق آجديني جهاد با راغني تحيل ايتمش ، بزم غلياني روحلرمزي بر او قدر دها جوشه كتيرمى . آه ، اوشاني ، جلا دتلي كونلر . . او نرك بوكون يالكز بر خاطره سي قالدى . بر زمانلر غربت جهه سنك بوتون يوكني ادمزلرينه آلان ، بو او غورده هيچ بر فدا كارا قدن كرى طورميان ، هر دز لو بوقسولنه رغما آيلرجه دشمنه قارشو كوكس قهرمان (قره سي) بوكون يارملى بر آرسلان كي يرلرده يايور . بر زمانلر بلوك بلوك ، طا بور طا بور اسلام مجاهدلرينه قرارگاه اولان بو كوزل مملكت بوكون يونان چيزملى آلتنده قالمش ، ايجن ايجن يايور . نه اولدى ، هانكي سموم

فلاكت اسدى ده عثمانلى سلطنتي يوكسلتن ، روم ايلي به كجرك قطع لر فتح ايدن بويكتلر يوردى بوكون دشمن پنجه سنه دوشدى . اوت نه اولدى ده تاريخلري شانلرله ، شرفلرله طولدوران ؛ حريت واستقلال با راقلريني يالديزلرله ايشله ين قهرمان (قره سي) بوكون اسارت زنجيرلرله قوشاديلدى . آه اى بويوك استاد ، اى اسلامك حزين ماتمي ترنم ايدن بويوك شاهرا بوكون كل ده بزم بو كوزل مملكتكمزك ، بوفدا كار يورديمزك نه حاله كلديكني كور . بزم خطاب ايتديك او كرسى معلا بوكون اورو مجكلره ماوى اولدى . هر طرفه دالغه لانان استقلال با راقلرينه بدل مملكتك آفاقي حجاب ماتم قابلا دى . شن وشاطر او جا قلدن بوكون توتن هب آئين و فغاند . دشمن ظلمت كي آفاقه چو كدى . بيلان كي حريم عصمتزه صوقولدى هر شيممزي يافدى ، ييقدى ، خراب ايتدى . مادي ، معنوي بوتون ماملكمزي تاراج ايتدى . بر جاندار كي موجوديتمزي كيروب طور ييور . .

سوله اى استاد بو كوزل يورد ، بوفدا كار مملكت بو حاله مي دوشه جكدى ؟ با ز قهار اولسون او مسلمانلره كه بزي يالكز برانديلر . بزم امداديمزه قوشما ديلر . اللوك امرينه ، پيغمبرك امرينه آرقه چوير ديلر . هر شيدن مقدم اولان فرضي ادا ايتديلر . طوبك آغزندن اوزاق اولمغه فلاكت اولره قدر ايريشه من ظن ايتديلر . دشمن اوزا قده ايكن ، مملكتلريمزه هنوز راشمه مشكن ، ياييله حق عمومي بر جر كتله دشمنى دكزه دوكدك بك فولاي ايكن اهل ايتديلر . بالعكس بعض يرلرده تفرقه لر چيقا رديلر . موجود قوتمزي ده صار صديلر . دشمنى تشجيع ايتديلر . اك نهايت بو قدر مساعي ، بو قدر فداكاراق هبا اولوب كيتدى . بو مبارك طوپراقلر دشمن آياقلى آلتنه دوشدى . خان دشمن به رالري چيكنه يوب كچك كن صوكره شيمدى دها ايلروده كي مملكتلريمزه صالديرييور . مقصدي بتون بتون موجوديتمزه خاتمه ويرمكدن .

احتمال كه بعض زواللار هنوز حقيقتي ادرا كدن غافلدرلر . اونلري ايفاظ ايجون بو مكتوبى يازييور ، وسو كيلي سبيل الرشاد منزله نشريني تمسني ايتدييورم . انشا الله هر درلو تهلكتلري آتلاته رق سزه واصل اولور . دشمن استيلا سي نه در ، اسارت و محكوميت ناصلدر ؟ بيا ميه يار او كره نسونلر . بزم حالمزدن عبرت آلسونلر . اسكي كناهلره توبه ايدرك حر كته كلسونلر . بوتون تفرقه لري ترك ايدرك برلشسونلر . هم كنديلريني ، هم بزلري قور تارسونلر .

بز بوكون آرتيق الي ، قبولي ، باغلي اسيرلر . يالكز باشمزه آيلرجه دشمنله جاريشه جاريشه ياره لندق ، مجروح دوشدك . بي تاب وتوان قالدق . شيمدى اوغرا ديمز فلاكتك ماتمي طوتيورز . ياشلرمزي قلبلرمزه آق تييورر . محزون ويانيق كوكلرمز بر نسيم سعادت بكه ييور . افكلر سيم سياه ، ساممزي مظلم بلوطلر قابلا مش .

« يارب ، بو او غور سز كجه نك يوقى صباحي »
ديه روحلرمز فرياد ايتدييور . فقط هر طرف خاموش !

ايزى تورناره جق هيچ مي يکيت قالمادي ؟ بوتون آناطولى اسارت مي ديشدي ؟ بوتون قايلىرى قورقومي قابلايدي ؟ به کوزل مديکتر ناصيل دشمنه برافاير ؟ يونانيلر بوراده قاله جق اولورلر سه بوتون آناطولى ايچون حيات حر امدر بونلر يادقلرى ظلم شناعة تحمیل اولونا ماز. طاش اولسه پارچه لانيير ده مير اولسه اير. يوزلريني کورمه مک ايچون سوقاغه چيچه ماورم. حالمى دوشوندکجه چيلدیره جنم کليور. کيجه، کوندوز اولوم تمي. ايديه، رم. فقط نروده او بخت ارق ؟ بو عذاب چکجه کيز ؟ بو ذلته قاتلا ناجيز. بو کونلري کورمک مقدر مش. آم ؛ حريشک قيمتي ؛ استقلالک شرفي بويله اسارت کونلر نروده نه قدر تقير اولبور. هان جناب حق بزي وبتون امت اسلاميه ني بو فلاکتلردن قورنارسون.

سيزه استيلا صفحاتندن بعض آجي خاطرملر، بعض عبرت لوحه لري نقل ايديم. جهملر بوزولوب ده قره سیده بارينق امکاني قالا نيجه قوتلر چکيلدي. دشمن شهره پک زياده تقرب ايتشدي. فردايي چهارشنبه کوني پاپاسلر طوپلانديلر، تورکلودن ده بضاريني جبراً آلدیلر. بلديه ده اجتماع ايتديلر. شيمدي به قدر مدافعه اوغورنگه چالیشانلردن کيمسه قالمامش. هيدى چکيلوب کيتمشدر. مملکت تسليم اوله جقدر. ماننده يونان قوماندانه جواباً رويجه بر مضبطه يازديلر. بياض بايراقلره استاسيون جوارينه کلرک يوناني استقبال ايلديلر. اوصيره ده استاسيونه کان يونان کشف مفرزه سه مضبطه يي وريدیلر. فقط مفرزه ضابطي قبول ايتمه يه دک قصه خارجنده کي نيشله ده بولنان قوماندانلرينه وريلسي سويلدي. اونک اوزرينه قيشله يه کيتديلر. بر ساعت صوکره بر کشف قوليله هپ برلکده بلديه يه کلدیلر.

اورتلق بر قبرستان سکوني آکدير يوردي. هر کس اولرينه قاپامش، باشدن باشه دکانلر مسدود. سوقاقلرده هيچ بر فرد تصادف ايديليو. بوتون مملکت ماتم ايچنده. هر طرفه بر ظلمت جوکش. جوجقلر بر طرفه بوزولش، نه يه اوغرادقلريني بيله ميورلر. قاديئلر اولادلرينک، قوجلرينک نروده ونه حالده اولدقلريني بيله مه مکدن متولد مدهش بر اضدار اب ايچنده آغلایورلر. بتون اولرک قاپولري صيم صيقي قاپامش. ظهور ايدمه جاک عاقبه متوکلا نه منتظر بولونيورلر. يونان قومانداني بلديه يه کلوب ده او طور ونجه اولاهي بکي وهيئت مرکزيه اعضالريني صورار. اولرک کينکلريني سويلرلر. اوندن صوکره :

— هاني اهالي ؟ دير. بودکانلر، قهوملر نيچين قابالي ؟

— مملکت بو کون اشغال اولونه جني ايچون هر کس خانلرين چکيلمش.

— بزم آرا يغمز مليه جيلردر. اولنري تاديپ ايچون بزي پادشاه

کوندردي. درحال هر کس دکانلريني آچه جقدر. کيم امر يه مخالفت

ايدرسه ائدهش جزايه چاريله جقدر.

اونک اوزرينه مناديلر چيقارتيهرق جبراً دکانلر آچديريلدي. اوصيره ده که هر وب تقرب ايديريوردي — رطياره کلدي. استاسيونه، شهره بومبالر آتمه يه باشلايدي. يونانيلرک شهرى اشغال ايتدکلرندن خبري اولماديني آکلاشيليريوردي. يونانيلر تلاشه دوشديلر، درحال بياض بزلر گرديلر. اوزلرينه سياه بويلر ياپهرق هر طرفه اشارتلر چکديلر، فقط هيچ بري فائده ویرمدي. طياره بومبالريني اکمال ايتدکن صوکره چکيلوب کيتدي. اون اش، يکرمي کيشيلري يارلندي. برقاج دانيسي تاف اولدي. طياره کلزدن بر آزاو استاسيون مأمورلردن برينک قيزي استاسيونده هم کزنيور، هم ده يونانيلري بکليورمش. او اشاء طياره کلر، آنديني بومبالرک بزي اوقيزه اصابت ايدرک اونى املنه قاووشدورور.

طياره کلزدن بر چاريک اول يونانک قواي کليه سي کلعه باشلامشدي. او کيجه بوتون خانلر، حاملر، ميخانهلر، بر چوق مکتبلر، خانهلر اشغال اولوندي. قوماندان حسن چاي مکتبنه يراشدي. درحال — ساعت ۱۲ — مناديلر ندا ايتديلر :

— ساعت يارمدين اعتباراً کون طوغونجه يه قدر کيمسه بولونديني بردن طيشاري چيقيمه جق وهر کس قاپوسنک اوکته قنار آسه جق ! اونک اوزرينه مناره لرده اذانلر تعطيل اولوندي. جاملر قاپاندي. هر کس قاپوسنک اوکته قنار آصدي. اصحابانلر شدتلي جزائر کوردیلر. الان بويوزدن فقرانک چکديکي صيقيئتيلر، يديکي داياقلر حسابسزدر. هر کيجه اهالي بيکلرجه لير، صرفه مجبور طوتوليور. کلبرگن يوللرده راست کلدکلري بوتون اكيناري حيوانلرينه يديرديلر. اوومه يادقلري خسار انک حد و حسابي يوقدر. بالاخره اهالينک النده کي جواباتي ده آلدیلر. بر طرفدن ازميره، ديگر طرفدن اردوسنک بولونديني محله جبراً آرايه جيلره طاش ايتديرديلر.

يوللرده تصادف ايتدکلري بچاره کويليلرک چوقلريني اولدورديلر. قاديئلرک عرضلرينه تجاوز ايتديلر. نه بولديلر سه آلدیلر :

قصه يه کيردکلري کون بوراده ده درلود. لورزلالرده، يغمما کرلکلرده بولونديلر. حکومتي تماماً صونديلر. اوراقلري پارچه پارچه ايتديلر. سلطاني مکتبنی ودها بر چوق محللري ابتدا يرلي ارمي وروملر، بالاخره يونانيلر صويوب صوغاه چويرديلر.

اشغالک اوچنجي کوني تحري بهانه سيله اولره تجاوزه باشلاديلر. تحريدن اول دلال ندا ايتدي :

— هيچ کيمسه اوندن چيقيمايه جق. کيم چيقارسه درحال اوروله جقدر.

اونک اوزرينه بوتون اولره کيرديلر. هر شيدن اول صندقلره

هجوم ايتديلر. بولدقبري بوتون قيمتلي اشيا لري آلدیلر. پک چوق يغمما

کرلکلرده بولديلر. بوتون غصب ايتدکلري شيلري ازميره نقل ايتديلر.

سلاحلری طویلادقدن سوکره توقیفاته باشلادیلر. قوای ملیه جی دییه برچوق مسلمانلری حبسخانه یه طولدوردیلر. دزلو درلواشکنجهلر ایتدیلر. پامادق تحقیر بر اقادیلر. شهر خارجنده بک چوق دینداشلر منری شهید ایتدیلر. بروسه خطنده کی تیغراف تللرینی سوکدیلر، دیرکارینی یاقدیلر، تللری ازمیره کوندردیلر. یاویرلی ارمنی وروملرک یاقدیلر، رذالتر، تعرضلر، تحقیرلر... بوزلر قطعاً تحمل اولور شینر دکادر. ارمنیلر یونانیلر بالیکسربده کورور کورمنر چیلدیره قلدردی. بیچاق و صوبالره سوراق ورته سنه دوکولدیلر، اونه کنه بریکنه چاندیلر، دوکدیلر، تحقیر ایتدیلر، جرح ایتدیلر. هر درلو رذالقی ارتکاب ایتکدن کری طورمادیلر.

بیچاره اهالی نه یه اوغرا دقلرینی بیله مدیلر. هر طرفدن تعرض، تجاوز وحقارت... دشمن استیلاسنک نه آلم اولایغنی کوردیلر بوجایمه معرض قالان بوتون مسلمانلر :

— آه، کاشکی همیز اوله یدکده بوفلاکتلی کونلری کورمه یدک. دییه تللف ایدوب طورییورلر. الله هیج بر مملکتته بوفلاکتی کوستر بسون. امارت قدر دنیاده ذات تصور اولونه ماز. بوتون انسانلق حسلرینی اولدورور. انسان کدیسنده حیوان قدر بیله بر موجودیت حس ایدمه.

طبیعی دشمندن لطف و مروت بنگلنمز. بالخاصه یونان کی وحشی و ظالم اولورسه هر درلو غدر و ظلمی ارتکاب ایتمکدق چکیمیز. فقط انسانک اک زیاده یورکینی یاقان، بزم ایچوزدن ده بعض آچاولرله اولرله برلشهرک بزه فالق ایتسیدر. بونلرک مایهقی ذاتاً اونه دن بری معلوم ایدی. فقط حقیلرله مرحتله معامله ایدیلیوردی. فرصت اللرینه کچر کچمز بو منافقلر بوتون نفاقلرینی، کندی عرقداشلرینه، کندی دینداشلرینه قارشلی قلمرنده بسله دکاری غیظو کیشلری اورتیه دوکدیلر. بوتون بوا اذک باشه مهورود (کیکیریک محی الدین) کچهرک پامادقلری رذالت، اجرا ایتدکاری خیزت بر اقادیلر. یونان کیر کیز کیکیریک، پاموق خاننک قابوسنه «انکلیر مجلری جمیتی» دییه برلوحه آصدی. «بوقوای ملیه جیدر، شو جهه ده بولومشدی.» دییه برچوق الیلری طوتوب طوتوب یونان قوماندانه تسلیم ایتدیلر. برازچکدکن سوکره استانبولدن برارمنی، برروم، برده تورک اولوق اوزره اوچ مفتش کلدی. مسلمانلره یاپیلان مظالم، اجرا ایدیلان تعرض و تعقیلر یتشمه مش کی بونارده ایکنجی بر تضییقه باشلادیلر. ارمنی مفتشی بر تعقیلر مسئلهی اورتیه چیقارمق مسلمانلری صویوب صوغانه چورردی. بکندیکی اشیایی «بوارمنی مالیدر.» دییه چکوب آلدی. ارمنیلره تسلیم ایتدی. بالکیز اشیای دکل، خانه لری، ترلاری بیله ضبط ایتدی، غصب ایتدی. روم مفتشی دمروملر حسابنه چالشدی. بزه منسوب اولان آچاق ایسه قوای ملیه جیلری تعقیب ایتدی، قنوايه

مهربانان علمای کرامی آرادای. بوجارهلری طوتوب طوتوب توقیف ایتدیردی. بونلردن آیلرجه حبسخانه لرده سورونلر اولدی. اشکنجه کورن برچوق زوالیلرک ویردکاری رشوت یوز بیکاری آشدی. یونانیلر باره سزقالدی، راست کله برینی طوتارلر «سن قوای ملیه منسوب ایتمس سک. شیمدی سنی جیس ایدم جکیز؛ اولدوره جکیز» دیرلر. دیگر طرفدن ده سیمسارلر کلیر، «شوقدر باره ویرده سنی قورتارالم» دیرلر. بویه بیچاره خلای صویوب دورییورلر.

قوای ملیه منسوبیتله مظنون اولانلردن بر قسمی ده صباح آقشام وند ایکی دفعه یونان قومانداننک بوندیغنی حسن چاپی مکتبی اوکنده اثبات وجود ایتیه مجبور طوتولدیله. صباحلین کلوب صیرالانیرلر، ساعتلرجه

بکلرلر قوماندانک کوکلی اوله جق ده چیقوب بر کره اولری کوره جک، لطفاً مساعدده بولونجق! ظالم، بخرمدن باقیورده اولنلرک بو حال ذلندن ذوق آلیور. بوللرده صیره ایله کسیدوب کلدکاری ایچون ارمنی وروملر طرفندن درلو درلو تحقیرلر، تزییفلره دوچار اوایوزلر:

— قوای ملیه جیلر کیدیور، قوای ملیه جیلر!...

دییه استهزالر، استخفافلر... بر کون کیکیریک حدنه کلدی:

— نه یه بونلر حالا گزیور؟ هر حالده بویلر آصیلمالی در. هله قوجه بیق زاده محمد افندی مطلقاً آصیله جقدر...

دیدی. قوجه بیق زاده بوندن قورقه رق برقاچ کون کیزلندی. ایشته یونانیلر کنیدیله آلت ایدم جک بویه رذیللرله بولدیلر. بوراده قالان ضابطلر منری آتیه کوندردیلر.

بر آرملق یونانیلر مسلمانلرک خانه لرینه ضابطلرینی قویمه یه قالقیشدیلر. بعض اولرناوست قالرینی، بعض اولری ده بوسبتون اشغال ایتدیلر. مسلمان خانه لرینه ضابطلرک ویریلسی مملکتده بک زیاده سوء تأثیر و غایانی موجب اولدی:

— مادام که ضابطلره خانه لازمدر؛ بتون مصارفی بز ویرم، آیری خانه طوتوب دوشه تلم...

دیدیلر. اونک اوزرینه مستقل خانلر آچدیردیلر، مکمل صورتده تقریش ایتدیردیلر.

بر آرملق ارمنیلر قایینلرده تعرضه باشلادیلر، کوکلی اوله رق یونان اردوسنه التحاق ایتدیلر. یونان شایقه سنی کیههرک اطرافده راست کلدکاری مسلمانلری شهید ایتیه باشلادیلر.

یونانیلر ایورندی عاماسندن و مدرسه القضاة مأذونلردن یا غلیلرلی عی افندی خواجه بی ایکندی آبدستی آلیرکن جاناوار - چه سنه شهید ایتشلردر.

أدرمید، برهانیه، آیوالق، أردك قضاالزنده کی بتون زيتون محصولی جبراً ضبط ایله از میره قاجیر دیلر. سواجل اشراف و منورانندن بر جوق ذوات اورته دن غائب اولدینی کی بعضیلری ده بوکون تسئل ایتک درکهنه کلدی.

کویلری اوستدند اوچان بر یونان طیاره منی دوشورن . . . قریه اهالیسی یونانیلر تماماً یاقیدیلر، اهالیسی ده عمومیتله شهید ایتدیلر.

برکت ویرسین، و نیزه لوس - قسطنطین قاوغاسی چقیدی ده اختلاسه دوشدیلر. بوتک اوزرینه مسلمانلره بر آزامید کلدی. برلی روملر، ارمنیلر ایشک نتیجه سنی سزیمکه باشلادیلر. کواکلی کیدن روملر، ارمنیلر عودت ایتدیلر.

یونان قرالی وفات ایتدیکی زمان اوچ کون کیجه کیمسه یی سوقاغه چیقارتمادیلر. هر طرفی قاپاندیره رق خاقه یاس طوتدوردیلر. برنجی کونی بتون مسلمان وخرستیان مکتب چوجقلرینی کلبه میداننه طویلا دیلر، آیین روحانی یاندیلر. یونان عسکرلری سلاهلرینی آشاغی چویره رک وضعیت آلدیلر. ومکتب چوجقلرینک اطرافنی احاطه ایتدیلر. پاپاس دعا ایتدی. بتون مکتب چوجقلرینه: «هیکنز آغلامیه جقمسکنز». دینلدی. خریستان چوجقلر حقیقه آغلادیلر. مسلمان چوجقلارده کوزلرینه توکوروک سورمک صورتیه قورقودن آغلامه باشلادیلر. یونان عسکرلرینک ایسه بر قسمی آغلادینی حالده بر قسمی ده بق آلتندن کویوردی. پاپاسلر وظیفه لرینی بیتیردن صکره مکتب چوجقلرینه:

— هایدی، کیدیکنز. فقط ففالرکزی قالدیرمایسکنز. هیکنز باشکنز آشاغیده اوله برق کیده جکسکنز. دیدیلر. بوسورتله آیدی اکل ایتدیلر فقط بوندن صوکره ده یونانیلرک نشوهرلی قاجدی، بالیکسردده بولونان یونان عسکرلرینک بر قسمی ترخیص ایتدیلر. بونلر قرال طرفدارلری اولدینی ایچون بونلردن بر خیر کله جکی قنا عتیه اولنری آتیه یوللادیلر. بوعسکرلر عودت ایدرکن بونلرده — یاشاسون قرال قسطنطین! یاشاسون مصطفی کمال پاشا! عسکرلری! قهر اولسون و نیزه لوس!

دیه باغیره. ق کیتدیلرینه بیلیر که یونانیلر همان عمومیتله دپوایشدن بیقیدیلر اوصاندیلر. ای کورشدکلری بعض مسلمانلره اوله دیبورلر: — نه اوله جق بو ایش؟ دهانه قدر بر انکلیز منفعته خدمت ایده جکز. بیقیدق اوصاندق. فقط نه یابارسک؟ عسکرلک بلاسی! بزم بورالرده نه ایشمز وار؟ انکلیز کندیسی تهاکه قویق ایسته میورده بزی اوکسوریور.

آرتیق قنلرینه قورقو کلدی. اسکی نشوهرلی قالمادی. برکون «تورک طیاره سی کایور!» دیه اوله تلاشه دوشدیلر که قاجه جق ده لیک

بوله مادیلر. هر طرفی قاپاندیلر. ضابطلر ساعت قوله سنک ایچنه کیردیلر. الکیزاده قورقدکلری شی طیاره در.

شیمدی متمادی بر خوف یچنده تتره بورلر. بر آره اق بزم مفرزه لرک صندیرغی اوزرینه آقینلری بوراده مدهش تاثیرلر حصوله کتیردی. یونانیلر تلاشه دوشدیلر. روملر، ارمنیلر «کلیدرلر!» دیه خلایجه اوغرا دیلر. کیکیریک کی؛ شوق کی، غزنه جی عمر قوزی کی «انکلیز محباری» در حال صولوغی از میرده آلدیلر. بوزمره دن برده محمودیک نامنده بری وارد. اوصیره لرده حریف قورقوسندن چیلدیرم جقدی. عهده سنده یک جوق ایشار اولدینی ایچون بورادن آیریه مادی. هر اقشام نفای توتسولر، قوشوشوسی احمد ایله درده شیور:

— احمد! نه دیرسک، بو میلچیلر کله مزلر دکلی؟
— والله محمود یک، بونلر یامان آدملر. بیلمم اما، کیجه نک برنده باقارسک بردن بره بر طرفدن آقین ایدرلر، بالیکسروی کیررلر.
— احمد! نه سویلیورسک؟ رجایدرم بویله بر شیدن معلوماتک اولورسه بکا خبر ویرده صاووشیم.

ایرتسی کون بر شیلر ارمانیچه ینه احمدی چاغیر:
— احمد! — افندم!
— نه نیا کلیدرلر دی؟

— والله محمود یک، بونلر شفایه کز. احتیاطی بولونمق لازم. بوکون ص. احدن بری قوتلی بر روایت دوران ایدیور: بیغاد یچ اوزرندن آکسزین بالیکسری به کیرمک ایچون مدهش حاضر لقلر یاپیورلر مش.
— عجبا کله بیلیلر می دیرسک.

— نیچون کله مسونلر؟ بر کره نیت ایتمسونلر، عزم ایتدیلر می اوکلرینه هیچ کیمسه طوره ماز. صانکه بر راده یونانک نه قوتی وار؟ هپسینی بر کیجه نک ایچنده دوضرارلر.

— امان احمد، دیه صوکره بزم حالمز نه اولور؟
— نه اوله جفی بیلمم فقط اونلرک کلدری یاقیندر، ظن ایدرم.
ایشته بوراده کی خائیلرک حالت روحیه سنی کوسترمک مقصدیه عیناً جریان ایدن محاوره یی نقل ایتدم.

کچن کون — ۱۵ کانون ثانی — ارمنیلرله روملر آیری آیری کلیدالزنده ط یلانیدیلر. یونانیلر چکیدیکي تقدیرده اتحاد ایده جکلری وضعیتی مذاکره ایتدیلر. روملر قالمیه، ارمنیلرله کیمه به قرار ویزدیلر. بوتک اوزرینه ارمنیلر یونان قوماندانه مراجعت ایتدیلر. کنسی وسائط نقلیه لرله ادرمیده، یاخود آیواله قدر کیتدکلری تقدیرده یونان کیمیلرله از میره نقل اولونلری ایچون رجای ایتدیلر:

یونانیلرده بونی تعهد ایتدیله . بونک اوزرینه ارمینلر شیمدی اعانه درج ایدیورلر . قاجق ایچون حاضرقلرده بولنیورلر . یونانیلرکویا کندی اداره لرندن ممنون اولدقلرینه داآراهاییدن بر محضر ایسته دیلر . فقط اهالی کمال شدتله ردایتدی .

شیمدی آرتیق هر کسده برامید بلیردی . بوتون خلق قهرمان و مزی بکله یور . قایلنلریمز درت کوزله بکله کلری یکیت عسکرلرمن ایچون چاماشیر ، چوراب ، قایللا حاضرلایورلر ؛ یاورولرینی هب کله جک عسکرلرمن کشرقلریله اویوتیورلر . بش ، آلتی یاشند . کی چوجقلر بیله اردومن کادیکی زمان اوکاء عسکر اوله جقلرینی سوبایورلر . حاصلی هر کس مصطفی کال پاشانک کوندره چکی قوتلرک ورودینه ، اورها و خلاص کونش بونک طلوعنه درت کوزله منتظرده . هان جناب حق موفق بالخیر بویورسون . بزی بو اسارت فلاکتندن ، ظالم بچه سندن قورتارسون . بوتون امت محمد سلامتلر احسان بویورسون آمین . بالیکسری ، ۲۸ کانون ثانی ۱۳۳۷

سبیل الرشاد

محترم دیندارلریمزه صافین یاسه دوشمه ییکز . آله مسلمانلرله برابرده . اون درت آی جانله ، باشله چالشدیکز . دشمنه قارشلی کوکس کردیکز . بونک اجری عظیمده . واقعا مختارولایتلاردن سزه لایقوله یاردم ایدیلهمدی ؛ بویوزدن مملکتکیز اشغال فلاکتنه معروض قالدی . فقط سزچالیشیرکن آناطولی ده بوش طورمادی بالخاصه وحدت میلیه یی تأمین ایچون اوغر اشدی . اچنیلرک برر چقارتدینی قرققلری ، عصیانلری باصدیردی . وخارجی دشمنلر ایچون ده ایمانلی ، منتظم قوتلر حاضرلادی . قهرمان اردومن شرق جبهه سنده ازمینی تملکده سنی بر طرف ایتدیکی کی غرب جبهه سنی ده اونوتادی . سزک امداد کوزه قوشدی . یونانیلری بر جوق محاربه لرده بریشان ایتدی . اللهک عنایتیله یاقینده سزی واشغال ائندده بولونان بوتون سوکیلی یوردیمزی ده قورتارده جق ، سز محترم قارداشلرمنله اوپوشه جکدره . شیمدی بونک صبرونجمن کوستره رک او مسعود کونلری بکله ییکز عون حقله آناطولی بونک تشکیله موفق اولدینی منتظم ومعظم اوردولرک هر طرفدن دشمنی دیکزه دوکهرک یکی ، یکی ظفرلر احراز ایدیه جکته آمین اوله بیلیرسکز . (سبیل الرشاد) حقدده کی حسابات نجیبه کزه تشکرلر ایدرز . انشاء الله فردای خلاص کزده بر قاج تسخه مری ده سزک کوزل مملکتکیزده نشر ایدهرز محترم قارده شلریمزه .

آمریقاده اللهک برلک کونی

آمریقاده ایچکیدن سوکره تیازورلر ، سینه مالر ، اویونلر والکلنجه لرک منعی

آمریقانداستانبول غزه نعلینه کوندریلان و بک زیاده شایان اهمیت اولان بو مکتوبی مینا نقل ایدیورز :

آمریقایلر حربدن اول ، حرب ایچنده دنیانک الک کناهکار انسانلری ایمش . خلق کیجه ، کوندوز ایچکی ایچر ، میخانه وسفا هتخانه لر کونک یکر می درت ساعتده بلافاصله دولار ، بوشالیرمش . ناموسلی عائله چوجقلری ، مکتب قیزلری بیله میخانه یه کیدر ،

کندیلرندن کچه یه قدر ایچر ، ایچر سوکره کبکسنی باغیرینی آجهرق قول قوله سرقاقلره آتیلر ، بیک درلو مسخره لقلر یاپارلارمش . بو عمومی عیش ونوش دنیانک بو ای متعصب مملکتکیده بیوک بر عکس العمل یایمش . یاپاسلر دینک الک ابتدائی قواعدینه بیله مغایر اولان بو اخلاقسزقلره کوز یومیه دوام ایدمه یهرک عصیان بار غنی آچمش و ایچکینک علینده مدھش بر مجادله یه باشلامشلر . ایلك ایدنده آرقه لرند ناموسلی عائله لری بولمشلر . بوچیرکن منظره لر دن صیقلان و اوتانان قادیلرده مجادله یه اشتراک ایتمشلر . بو صورتله مجادله بویومش . کلیسالر ایچکی علیهدارلغنسک مرکزی ایشلش . حکومتی ایچکی منعه سوق ایچون یالکیز بیوک سرمایه دارلرک یاردیمه احتیاج قالمش . اونلرده کیجه دن ایچکی ایچن عمله نک کوندوز اعظمی بر می صرفه مقتدر اوله مایه جنی اثبات ایدلمش . بو صورتله مملکتکیده الک مهم قوتی تشکیل ایدن کلیسا وسر مایه بزله شنج بتون دنیانک حیرتله قا شیلادیفی « ایچکی ممنوعیتی » قانونی اوزرتیه چیقه ش .

ایچکی علینده کی مجادله لرند قازاندق قری موفقینلردن جسارت آلان یاپاسلر شمدی یکی بر انقلاب ایسته یورلر . آمریقانک بتون ذوق وسفاهتدن تجردینی وتعطیل کونی اولان بازار کونک منحصر آ زهد و عبادته حصر ایدلمسنی طب ایدیورلر . ایکی آی اول نوپور قده بر یاپاسک اورتیه آتدینی بو فکر آرزمانده دهشتلی طرفدار قازاندی . کلیسالر همان متفقاً بو صدای ایقاظه اشتراک ایتدی . بو کون تام ۴۱ جمعیت بو فکر طرفدار بولنیور . حق بو جمعیتلر بر قانون لایحه سی حاضر ایهرق قونفره یه کوندردیلر . ومبعوثلری واسطه سیله بازار کونک (اللهک برلک کونی وعدا ایدیلرک زهد و تقوا یه حصر ایدلمسنی تأمین چالیشدیلر .

« ماوی بازار » تسمیه ایتدکلری بوزهد و عبادت کوننده (۱) بوتون سیروسفر وسائطی طورده جق ؛ (۲) تیازورلر ، سینه مالر ، بالور ، دانس صالونلری ، اکلنجه محللری بلا استثنا قابانه جق ؛ (۳) بهشته وتلفرافخانه لرک ایشلری تعطیل اولنه جق ؛ (۴) غزنه لرک هیچ بری انتشار ایتیه جک ، (۵) اسپوره طشد هر نوع اویونلر ممنوع اوله جق ؛ (۶) مسیرلره ، تنزه محللرینه ، اکلنجه برلرینه کیتنک منع ایدیلرک ؛ (۷) اوکون هر کسک کلیسایه کیدرک زهد و عبادتله والله کناهلرینی عفو ایتدیرمکله مشغول اولمی مجبوری اوله جق ؛ (۸) کلیسادن سوکره هر کس اوینه کیده جک و عبادتیه دوام ایدیه جک ؛ اقربا ، آرقدیش زیارتلری ممنوع اوله جق . اولجه بر فحشخانه اولان آمریقا بوکون بویله برحبات زاهدانه یه عودت ایدیه جک .

قونفره کوندریلن لایحه یی سرعتله قبول ایتدیه سده بو فکری التزام ایدنلر مجادله لرند دوام ایدیورلر . بوتون کلیسالر ، بر جوق جمعیتلر سفر برلک اعلان ایتدیلر ؛ هر برده بوجریان لهنده فونفرانسلر